

فکر شخصیت

کندیکی ابتدا کندیک دوشون ، سوکراده الله دوشونور . « بوفرک ضرب منلی ، الک بیوک تجاربی الک قیسه بر صورتده افاده ایده جک بر قوتی حازدر . » وشاورهم فی الامر فاذا عزمت فتوکل علی الله « آیت جلیله سنه « اعقلها وتوکل » حدیث نبویسی ده بووامالی ضرور عالییه مصدر اولاییله جک اهمیتی حاز اولدقدن باشقا ، بین العوام یک یا کلیش تفسیره اوغرامش قضا و قدر کیفیتده برحد وقید تعیین ایدر .

فکر شخصیتی تشویق ایچون ایسه بوندن قطعی دلایله لزوم یوقدر ، اوفکر شخصیتی که تکامل افراده اجرای تاثیر ایدن عوامک الک ایویوکیدر . چونکه فکر شخصیت اعتماد نفس ، قوت قلب وجسارت کی خصائلک وجودینه دلالت ایدرکه بونلرک رقی و تعالیده کی اهمیتلری آشکاردر .

خارجدن کلن یاردیملر ، تاثیر اعتباریله اکثریا انسانی ضعف ومسکسته دوشورمکدن باشقا برشیته یاراماز . انسانه یاردیم ، اصل داخلدن یعنی کندیسندن کله ایدرکه بر تاثیر نافع حاصل ایده بیلسین . چونکه باشقالرینک چالیشمانی ، چالیشمایانلرک احتیاجنی دفع ، بوده اونلرده سعی ذاتی بی افنا ایدر . سعی اقل قانوننک انسانلر اوزرنده کی تاثیر معلومدر طبع بشرک بومیلی سعی آخرله ده مظهر تشویق اولورسه یعنی افراد نروده فضله برحماییه ، زیاده جه حمایتکار براداریه تابع طوتولورسه اووقت واودیارده سعی واقدامه بدل غفلت وعطالت اجرای حکمه باشلار .

مؤسسات سیاسیه نه‌قادر اینی اولورسه اولسون طالع بشره بر معاونت قطعیه ایفاسندن عاجزدر . ال‌اینی حکومت افرادینه کندیلری چالیشوب کندیلکلرندن آدام اولمالری ایچون حریت و مجبوریت بخش و تحمیل ایدنی در اوندن باشقا ، وظیفه حکومت مثبت و فعال اولمقدن زیاده منفی و محدوددر . واکثریا برنوع حمایه‌یه ، حیات و حریتک ، یعنی آسایشک محافظه‌سنه منحصر قالیرچونکه حکومترلده تبللره فعالیت ، مسرفله احتیاط ، سرخوشلر پرهیز تلقین‌ایده‌جک هیچ برقوت تصور اوناماز . اداره سابقه‌مزنک بالخاصه منع عشرت خصوصنده‌کی اقدامات متوالیه‌سنک هیچ برشیشه منجر اولماماسی بوخصوصده کوزل برمثال تشکیل ایدر . بوایلکلره بادی سحر وقوت ، بکله‌نسه بکله‌نسه ملته کندندن ، افراد ملتندن بکله‌نیر . افراددره ملکاتلرینک نشوونمای تأمیه تبلل‌لکک ، اسرافک . عیش وعشرته فناخرب ومهلك اولدیفنی ادراک واونلردن نفسلرینی وقایه ایدرلر .

ذاتاً ثابت اولمش برحقیقتدرکه برحکومتک قدر و قیمتی مؤسساتنک اعلالغندن زیاده افرادینک طبایع کزیده ومتینه‌یه مالک اولماسنه وابسته‌در . افرادندن ایلری کیدن حکومترلر ، ایرکیج کیری‌یه دوندکاری‌کی ، افرادندن کری قالان حکومترلده مطلقا ایلریلرلر . صو ، ناصیل کندینه برمیل وتسویه آرار وبولورسه ، افراده حکومت وقوانینده طبایع مخصوصه‌سنه موافق میل واستعداد آرار ویورور . بو ، ضروریدر .

ملتله ، افرادینک استعداد وقابلیتنه تابع اولدقلری‌کی ، مدنیت‌ده افرادک اصلاح وتعالی‌سندن باشقا برشی دکدر . حریت ایسه افرادک بواقترار سیاسی‌یه مالک اولماسی دکل ، قوای منویه‌سنک اثری ، فعالیت واستقلالنک نتیجه‌سیدر . احوالده ، معنای واسعیله ترقی‌یه برطاقم فضائل وخصائل شخصیه مجموعی‌کی باقی وانخطاط‌ده‌سوه اخلاق ، جبات ومنفعتبرستلکک تزاید وتراکمی محصولی‌دیمک بک موافق اولور .

الکزواللی وشایان مرحمت اسیرلر ، برمستبدک اداره ظالمه‌سنه معروض اولانلردن

زیاده، سوء اخلاق ریڼک خود پرستلکریڼک، مساوی سارو ذاتیه لریڼک قربانی بولونانلر در. بومر ضلرله خسته اولان ملت لک نجات و سعادت بولمالری، یالکړ حاکم لریڼک، حکمدار لریڼک د کیشمه سیله قابل اولاماز. آتی هیچانلر، اختلاللر برقاچ کیشینک مالی اولان بو حرکات تخلیص جویانه، ملتده او دردلر باقی قالدغه، نافع و یابدار اولایلمک دن محرومدر. بوللری، بوللایانی، تقویه و تنزیه ذات و صفات ایتمکله افراد اوزر لرندن آتمازلرسه، دنیانک، هیچ بر حکومتی و هیچ بر قانونی اونلره حقیقه چاره ساز اولاماز. اولسه بیله بر صورته، یاخود صورت آخرله بر مدت صوکر اینه پیدا اولمقدن خالی قالماز.

انکلیز فیلوزوفی استوارت میل دیورکه: «استبداد اک ظالم فناقلریڼی قوای شخصیه یی افنا ایتمکدن صوکره اجرا ایدر. شخصیتک ازیلمه سته، افسانه خدمت ایدن هرشی، آلتنده صاقلاندینی اسم نه اولورسه اولسون، نامنه حرکت ایتمدیکی اقتدار کیمک بولونورسه بولونسون غایت مضردر، استبداد محضدر.»

بناء علیه، اک بیوک وطنپرورلک، اداره حکومتی، قوانین حکومتی تبدیل و اصلاحدن زیاده افراد ملته اراده ذاتیه لریڼک فعالیت مستقله و حربه سیله تکمل و تعالی چاره لریڼی احضاردر. بوايسه آخاق اونلری جدی بر تربیه معروض طومقله، برسی مزید و مسعوده سوق و اجبار ایتمکله ممکن اولور. معارف عمومیه به بوروح و معنایی و یرمک، مکتبلری اونا کوره ترتیب ایتمک، اوندن صوکره، یاخود اوندن، هرشیدن اول، تارلاری، اعمالا تخانه لری، تجارتخانه لری خلقه سود یرمک بوباده کی مساعینک اس الاسانی تشکیل ایدر. انکلتره یی انکلتره ایدن، اوجدی مکتبلری، اوانافع اعمالا تخانه لری، بوللره خلقک حکومت و حیات حقنده باشقا بر فکر ایدمکه مظهر یتلریدر. حکومتی، اجتنابی غیر قابل بر فئالق عد ایدن انکلیزلر معیشتلریڼی حکومت قابوسندن باشقا یرده، کنیدیلرنده، اقتدار و مساعی ذاتیه لرنده آرارلر. حیاتی ایسه باشقا نظرله کوردرلر. بونده نه ذوق، نه کدر اولمایوب، سعی ایله سعادت مزه خادم قیلاجمزم بر مسأله اولدیفته واقفدرلر. و بو وقوفک کنیدیلرینه بخش ایتمدیکی بر امنیت و قوت دیکرله شو جدالکاه و اسعده ایلرلرلر، ایلرلرلر.

آقره مبعوثی

ماهه سعید